



ჯანმრთელობის დაცვის და სოციალურ საკითხთა  
კომისიის სხდომის ოქმი №31

08 აგვისტო, 2019 წელი

14:00 საათი

(ბიუროს სხდომათა დარბაზი)

სხდომას ესწრებოდნენ ჯანმრთელობის დაცვის და სოციალურ საკითხთა კომისიის წევრები:

1. გიორგი ბირბიჩაძე
2. გიორგი დოხტურიშვილი;
3. ნინო ლაცაბიძე;
4. თამარ ტალიაშვილი;
5. ოთარ გრიგოლია;
6. ფრიდონ ინჯია;
7. ლილე ლიპარტელიანი;

მოწვეული სტუმრები: ეროვნული სკრინინგ ცენტრის დირექტორი ეთერ კილურაძე.

**სხდომის დღის წესრიგი:**

- ეროვნული სკრინინგ ცენტრის მიერ ახალი მეთოდოლოგიების დაგეგმვისა და სამომავლო გეგმების შესახებ.

სხდომას თავმჯდომარეობდა ჯანმრთელობის დაცვის და სოციალურ საკითხთა კომისიის თავმჯდომარე გიორგი ბირბიჩაძე.

გიორგი ბირბიჩაძე მიესალმა დამსწრე საზოგადოებას და სხდომა გახსნილად გამოაცხადა. კომისიის წევრებს და მოწვეულ სტუმრებს წარმოუდგინა ქვორუმი და გააცნო დღის წესრიგი. კომისიის წევრებმა ერთხმად დაამტკიცეს დღის წესრიგი წარმოდგენილი სახით.

ეროვნული სკრინინგ ცენტრის დირექტორმა, ეთერ კილურაძემ, თბილისის საკრებულოს ჯანმრთელობის დაცვისა და სოციალურ საკითხთა კომისიის სხდომაზე, 2019 წელს ცენტრის მიერ განხორციელებული ღონისძიებების შესახებ ისაუბრა და სამომავლო საქმიანობის პრეზენტაცია წარადგინა.

პრეზენტაციაზე, სკრინინგ ცენტრის დირექტორმა დეტალურად მიმოიხილა ძუძუსა და საშვილოსნოს ყელის კიბოს სკრინინგის თანამედროვე მოდელებზე გადასვლის პროცესი, სკრინინგ ცენტრის ფილიალების სარეაბილიტაციო სამუშაოები, ახალი სამედიცინო

ტექნიკური ბაზით აღჭურვის შესაძლებლობები და ის სამომავლო გეგმები და პერსპექტივები, რაც სკრინინგ პროგრამას თვისობრივად ახალ საფეხურზე გადაიყვანს.


ეთერ კილურაძემ ასევე, განსაკუთრებული ყურადღება გაამახვილა მომართვიანობის კუთხით ეროვნული სკრინინგ ცენტრის სტატისტიკაზე და აღნიშნა, რომ 2019 წელს თუ შევადარებთ სკრინინგის ათწლიანი მუშაობის მანძილზე დაფიქსირებულ მომართვიანობის მხრივ ყველაზე მაღალ მაჩვენებელს, მნიშვნელოვნად არის გაზრდილი მოსახლეობის ჩართულობა. მიუხედავად საიმედო დინამიკისა, სკრინინგში ჩართული მოსახლეობის მოცვის გაზრდა, სკრინინგ პროგრამის მთავარ გამოწვევად რჩება. მისივე თქმით, საერთაშორისო ორგანიზაციების რეკომენდაციების მიხედვით, სკრინინგის პროგრამის წარმატება დამოკიდებულია სამიზნე მოსახლეობის პროგრამაში ჩართულობაზე (მოცვა უნდა აღემატებოდეს 60%-70%-ს). მხოლოდ სკრინინგის პროგრამების მნიშვნელობის შესახებ მოსახლეობის ცნობიერების ამაღლებითა და ორგანიზებული სკრინინგის დანერგვით არის შესაძლებელი საზოგადოების ფართო მასებამდე ინფორმაციის მიტანა და შესაბამისად, მოცვის გაზრდა. აქედან გამომდინარე, მიმდინარეობს აქტიური საინფორმაციო კამპანია, რომელიც მიმართულია საზოგადოებაში სკრინინგის ჩატარების კულტურის ჩამოყალიბებაზე, მოქალაქეებში საკუთარი და ოჯახის წევრების ჯანმრთელობის მიმართ სოციალური პასუხისმგებლობის გაჩენისაკენ.

„ეროვნული სკრინინგ ცენტრი მუდმივად ზრუნავს როგორც სკრინინგის პროგრამის განვითარებაზე, აგრეთვე, სამედიცინო სერვისების მიწოდების ხარისხის გაუმჯობესებაზე, რაც გულისხმობს როგორც უახლესი სამედიცინო აპარატურით აღჭურვილობას, ასევე, სამედიცინო და ადმინისტრაციული პერსონალის მუდმივ გადამზადებასა და ფილიალების კეთილმოწყობას. ყველაფერი აღნიშნული, საბოლოო ჯამში საშუალებას მისცემს ჩვენს მოქალაქეებს სრულიად უფასოდ ისარგებლონ მაღალ-კვალიფიციური სამედიცინო მომსახურებით და ასევე, სამომავლოდ დაგეგმილია იმ უახლესი მეთოდების გამოყენება, რომლის მისაღებად ხშირ შემთხვევაში საზღვარგარეთ უწევთ წასვლა“ , - განაცხადა ეთერ კილურაძემ.

კომისიის წევრები მიმდინარე საინფორმაციო კამპანიით დაინტერესდნენ და იმ ძალისხმევით, რაც საზოგადოებაში სკრინინგის შესახებ ცნობიერების ამაღლებას უკავშირდება. ასევე, პრევენტაციაზე არსებული გამოწვევების საპასუხოდ, სკრინინგ პროგრამის განვითარების პერსპექტივებზე იმსჯელეს.

კომისიის სხდომის თავმჯდომარემ სხდომა დახურულად გამოაცხადა.

ჯანმრთელობის დაცვის და სოციალურ  
საკითხთა კომისიის თავმჯდომარე



გიორგი ბირბიძე